



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, 1663

S. Ursmarus C. 18. Aprilis.

urn:nbn:de:hbz:466:1-41940

18. April. VITÆ SANCTORUM. 249
tas redegit angustias, ut extra circulum,
quem in arenâ scipione descripserat, ne
latum quidem unguem aut unguam po-
nere sit ausus, donec turpe incendium
extingueret. Illud etiam memorabile,
quod illæsus ignem calcârit, Ut Zaream
Hæreticum falsitatis argueret, qui perfidi-
am suam per flammam probare non au-
sus, Catholicæ Religionis, ut veri auri,
pretium auxit. His facinoribus HELE-
NUS Heliopolitanam primùm mitram,
deinde æternitatis coronam meruit. Ex
vitis P P.

*Si vis animam tuam in sua virginitatis
integritate persistere, aures & oculos à ne-
gotiorum secularium vanitate firmiter ob-
strue, carnalium hominum colloquia de-
structioni magis quàm ædificationi profu-
tura contemne; nam qui tangit picem, in-
quinabitur ab eâ S. Pet. Dam. Op. X I I.*

S. URSMARUS C. 18. Aprilis.

Q Uo tempore mater gravem URSMA-
RUS ferebat uterum, venerandâ fortè
canitie senex per visum astitit, puerulum-
que, manu gestatum ejus curæ commen-
davit. Excusanti annonæ difficultatem
panem candidum porrexit, novo mox
inter manus auctu grandescens; pro-
digii que rationem ad nascituræ prolis
doctrinam retulit, cum annis ad multo-
rum mortalium emolumenta amplifican-
dam.

Q 5

250 VITÆ SANCTORUM. 18. *April.*
dam. Simul monstravit eminentem in
sublime filiolum per scalam cælo infer-
tam. Præfatio fidem adstruxit vita cæli-
tibus quàm hominibus propior: nam E-
piscopus tempore succedente creatus,
novem annis à pane humano tempera-
vit, reliqui cibi tam modicus, ut validæ
membrorum vocisque vires haud imme-
ritò miraculi instar obtinerent. Dæmo-
nes frequenter injustâ corporum huma-
norum possessione dejecit: metu lem-
urum infestas ædes aquâ lustrali solvit:
morbos curationum fines egressos divinâ
sanatione depulit. Porrò charitas servan-
dorumque mortalium studium in emi-
nentissimum virtutis fastigium assur-
xit, cum esset quotidie cujusvis homi-
nis salutem sanguine vitæque recuperare
paratus. Rerum adversarum patientiâ in
Iobi comparationem evixit. Obiit anno
Christi D. CC. XIII. de cælo obtinendo
solicitus imprimis, ut qui jam scalas ad-
moverat, antequam nasceretur. *Ex Ra-
ther. Veronense.*

*Multi simplices & humiles cælos pene-
trant. Nullus verò arrogans, quamvis
omnium liberalium polleat scientiâ, ad cæ-
lestem admittetur convivium, tantoque gra-
vioribus cruciabitur pœnis, quanto nequius
donum Dei tractaverit. S. Laur. de Casto
Connub. c. 14.*

S. THEO-